

KJKP "VODOVOD I KANALIZACIJA" d.o.o. SARAJEVO
v.d. DIREKTOR
Izvod broj : 63/20

Sarajevo, 12.10. 2020. godine

Na osnovu člana 64. stav 1. tačka b)., člana 70. stav 1. 3. i 6. Zakona o javnim nabavkama (Sl. glasnik BiH br. 39/14)), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo, te člana 41. Statuta preduzeća, na preporuku Komisije za javnu nabavku broj 63/20 od 17.09.2020. godine, u postupku javne nabavke br. 63/20 „Održavanje soft startera za rad muljnih pumpi na PPOV Butila“ donosi se :

O D L U K A

o izboru najpovoljnijeg ponuđača

Član 1.

Prihvata se preporuka Komisije za javne nabavke o izboru najpovoljnijeg ponuđača broj 63/20 od 17.09.2020. godine i ugovor za javnu nabavku usluga : „Održavanje soft startera za rad muljnih pumpi na PPOV Butila “ – tender broj 63/20 dodjeljuje se ponuđaču: „General Engineering“ d.o.o. Sarajevo, ponuda broj: 04-08/20 od 03.08.2020. godine, za ponuđenu cijenu od 49.953,64 KM bez PDV-a, kao najbolje ocijenjenom.

Član 2.

Prijedlog ugovora o nabavci dostaviti će se na potpis izabranom ponuđaču „General Engineering“ d.o.o. Sarajevo po proteku od 15 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Ova odluka objavit će se na web stanici www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : OP 63/20 od 13.07.2020. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 50.000,00 KM.

Obavještenje o nabavci broj : 247-1-2-103-3-228/20 poslato je na objavljivanje na Portal javnih nabavki dana 21.07.2020. godine, a sažetak obavještenja o nabavci objavljen je u Sl. glasniku BiH broj : 44. od 24.07.2020. godine.

Komisija za javnu nabavku imenovana je Rješenjem br. 50/20 od 25.06.2020 godine i dodatni članovi komisije imenovani dopunskim Rješenjem br: 63/20-1 od 13.07. 2020 godine..

Komisija za javnu nabavku dostavila je dana 01.10.2020.g. Preporuku o izboru najpovoljnijeg ponuđača broj 63/20 u postupku javne nabavke usluga: „Održavanje soft startera za rad muljnih pumpi na PPOV Butila “ - tender broj 63/20.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda: 2 (dvije) ponude ponuđača: „Deling“ d.o.o. Tuzla i „General Engineering“ d.o.o. Sarajevo

- Da je blagovremeno zaprimljeno: 2 (dvije) ponude ponuđača: „Deling“ d.o.o. Tuzla i „General Engineering“ d.o.o. Sarajevo

- Da nije bilo neblagovremeno zaprimljenih ponuda

- Da dostavljene ponude ponuđača „Deling“ d.o.o. Tuzla i „General Engineering“ d.o.o. Sarajevo ispunjavaju zahtjevano tenderske uslove prema obliku i potpunosti u smislu pripreme ponude.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđač	
		„Deling“ d.o.o. Tuzla	„General Engineering“ d.o.o. Sarajevo
1.	Tačka 13 TD: Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3.	DA	DA
2.	Tačka 14.1. TD: Izjava o ispunjenosti uslova iz člana 47. st. (1) tačka a) i (4) Zakona o javnim nabavkama - Aneks V; Prilog 4.	DA	DA
2.1.	Tačka 14.1. TD: Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude	DA	DA
2.2.	Tačka 14.2. TD: Izjava o ispunjenosti uslova iz člana 50. Zakona o javnim nabavkama - Aneks VI; Prilog 5	DA	DA
3.	Tačka 14.3 TD: Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA	DA

Ponuđač „Deling“ d.o.o. Tuzla u dostavljenim dokumentima: Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3., Izjava o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V;

Prilog 4. i Izjava o ispunjenosti uslova iz člana 50. tačke: c), d), e) i g) Zakona o javnim nabavkama - Aneks VI; Prilog 5. nije naveo vrstu postupka, broj obavještenja o nabavci i broj Službenog glasnika BiH. Prema mišljenju Komisije nepopunjavanje vrste postupka, broja obavještenja o nabavci i broja Službenog glasnika BiH u navedenim izjavama, u konkretnoj nabavci ne predstavlja nedostatak zbog kojeg bi ponuda trebala biti odbačena iz razloga što se iz sadržaja izjava nesporno utvrđuje da se iste odnose na predmetni postupak nabavke, te da su iste uredno potpisane i ovjerene, a također je upisan tačan naziv predmeta nabavke kao i naziv ugovornog organa.

Komisija konstatuje da ponuđači „Deling“ d.o.o. Tuzla i „General Engineering“ d.o.o. Sarajevo ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je sljedeće:

R. br.	Ostala zahtijevana dokumentacija/aneksi-prilozi	Ponuđač	
		„Deling“ d.o.o. Tuzla	„General Engineering“ d.o.o. Sarajevo
1.	Tačka 15 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 5.	DA	DA
2.	Tačka 16.TD pod 1: Obrazac za ponudu – Aneks II; Prilog 1.	DA	DA
2.1	Tačka 16.TD pod 1.1.: Popis dokumenata uz ponudu koji čini sadržaj ponude – Aneks II; Prilog 1	DA	DA
3.	Tačka 20 TD: Obrazac za cijenu ponude – Aneks III; Prilog 2	DA	DA
4.	Tačka 31 i 36 TD: Nacrt okvirnog sporazuma – Prilog 7.	DA	DA
5.	Tačka 31 i 37 TD: Nacrt ugovora o javnoj nabavci – Prilog 8.	DA	DA
7.	Tačka 43 TD: Povjerljive informacije – Prilog 6.	DA	DA

Ponuđač „Deling“ d.o.o. Tuzla u dostavljenom dokumentu: Pismena izjava ponuđača iz člana 52. Zakona o javnim nabavkama – Aneks VIII; Prilog 5, nije upisao vrstu postupka, broj obavještenja o nabavci i broj „Službenog glasnika BiH“. Prema mišljenju Komisije nepopunjavanje vrste postupka, broja obavještenja o nabavci i broja Službenog glasnika BiH u navedenoj izjavi, u konkretnoj nabavci ne predstavlja nedostatak zbog kojeg bi ponuda trebala biti odbačena iz razloga što se iz sadržaja izjave nesporno utvrđuje da se ista odnosi na predmetni postupak nabavke, te da je uredno potpisana i ovjerena, a također je upisan tačan naziv predmeta nabavke kao i naziv ugovornog organa.

Komisija konstatuje da su ponuđači „Deling“ d.o.o. Tuzla i „General Engineering“ d.o.o. Sarajevo dostavili ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da su navedeni ponuđači ispunili

sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Također je konstatovano da je ponuda ponuđača „Deling“ d.o.o. Tuzla potpisana od strane ovlaštene osobe po punomoći na ime Toni Mišić od 10.08.2020 godine i ovjerena pečatom ponuđača, te ima broj i datum. Ponuda ponuđača „General Engineering“ d.o.o. Sarajevo potpisana od strane ovlaštene osobe po punomoći na ime Kenan Al-Tawil od 16.05.2017 godine i ovjerena pečatom ponuđača, te ima broj i datum.

Pojašnjenje u smislu čl. 68. stav (3) ZJN, a koji se odnosi na pojašnjenje dokumenata koje su dostavili u skladu sa čl. 45. do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtjevalo.

Provjerom računске ispravnosti ponuda ponuđača, „Deling“ d.o.o. Tuzla i „General Engineering“ d.o.o. Sarajevo konstatovano je da nema računskih grešaka.

Konstatovano je da ponuđač „Deling“ d.o.o. Tuzla nije dostavio Potvrdu o primjeni preferencijalnog tretmana domaćeg. Ponuđač „General Engineering“ d.o.o. Sarajevo je u ponudi dostavio Potvrdu o primjeni preferencijalnog tretmana domaćeg .

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Tačkom 25. tenderske dokumentacije je predviđeno provođenje e-aukcije. U skladu sa navedenom tačkom, prije zakazivanja e-aukcije ugovorni organ u sistem e-Nabavke unosi sve prihvatljive ponude.

Od strane Komisije za javne nabavke konstatovano je da su prihvatljive ponude sljedećih ponuđača:

RB.	Ponuđač	Početna cijena ponude u KM bez PDV-a
1.	„General Engineering“ d.o.o. Sarajevo	49.953,64*
2.	„Deling“ d.o.o. Tuzla	49.995,00

E-aukcija je u sistemu e-Nabavke zakazana i održana na dan 20.08.2020. godine u 10:00:00 sati.

Iz izvještaja o toku i završetku e-aukcije, koji je preuzet iz sistema e-Nabavke, je vidljivo da je e-aukcija trajala od 10:00:00 sati do 10:15:00 sati. U predviđenom periodu trajanja e-aukcije nije bilo podnošenja ponuda.

Izvještaj o toku i završetku e-aukcije sadrži i konačnu rang listu ponuđača kako slijedi:

RB.	Ponuđač	Konačna cijena bez PDV-a
1.	„General Engineering“ d.o.o. Sarajevo	49.953,64*
2.	„Deling“ d.o.o. Tuzla	49.995,00

Za najpovoljniju ponudu ocjenjena je ponuda ponuđača „General Engineering“ d.o.o. Sarajevo.

Komisija jednoglasno daje prijedlog Ugovornom organu – ovlaštenom licu Ugovornog organa da za nabavku usluga: „**Održavanje soft startera za rad muljnih pumpi na PPOV Butila**“ - **tender broj 63/20** donese Odluku o dodjeli ugovora ponuđaču „General Engineering“ d.o.o. Sarajevo, broj ponude: **034T2205-PON0001-20v1** od **11.08.2020** godine, kao prvoplasiranom na rang listi, čija vrijednost ponude iznosi **49.953,64 KM bez PDV-a**.

Iz gore navedenih razloga, primjenom člana 64. stav 1. tačka b) ZJN, donesena je Odluka o izboru najpovoljnijeg ponuđača kao u članu 1. ove odluke.

Pouka o pravnom lijeku :

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :

- Ponuđaču

- a/a



v.d. Direktor

[Handwritten signature]
Adnan Hodžić, dipl.ing.maš.